

NAMMCO-p
ILISIMATUUSSUTSIKKUT
ATAATSIMIITSITALIAATA 25.-
issaanik ATAATSIMIINNERA
 BERGEN-TROMSØ, NORGE,
 13.-16. NOVEMBER 2018

EQIKKAANEQ

NAMMCO-p ilisimatuussutsikkut ataatsimiititaliaata 25-ssaanik ataatsimiinnera sinersortaami Polarlys-imi Bergen-imiit Tromsø-p tungaanut novembarip 13-ianiit 16-iata tungaanut 2018 – Norgemi sinersorneraniingerlanneqarpoq .

Allaffeqarfimmi sulisut nutaat ilisaritinneqarput makkuusut; ilisimatuussutsikkut allatsi Fern Wickson, isumaqatigiissuteqarfigineqarluni sulisuugallartoq Solveig Enoksen kiisalu praktikanti, Sam Smith.

Nunat ilaasortaatitaqartut tamarmik killiffimminnik nalunaarusianik tunniunneqarsimaneri maluginiarneqarpoq, kiisalu alaatsinaattutut nalunaarusiat ukunaneersut Canada, Japan, Rusland, Nunavut Tunngavik Inc aammalu Makivik Corporation, saqqummiunneqarlutik. Japanimiut saqqummiussinermi kissaatigaat ataatsimoortumik ilisimatuussutsikkut suleqatigiissitaliortoqarnissaa (WG). SC-p suleqatigiinnissamut nukittorsaanissaminut piumassuseqarnini oqaatigaa erseqqissarlugulu ataatsimoortumik ilisimatuussutsikkut suleqatigiissitaliortoqassappat (WG) Siunnersuioqatigiinnullu tamanna akuerineqqaartussaana isumaqatigiissutigineqarpoq.

SC-mi Suleriutsissat (*Nalunaarusiaq pingaarnermi imm. 5 aamma 11*)

SWOT-mik nalilersuineq (nukittussutsinik, sanngiissutsinik, periarfissanik kiisalu aarlerinaatinik)

Allattoqarfik piumaffigineqarpoq SC-p SWOT-mik nalilersuinini naammassissagaa FAC-mut Siunnersuioqatigiinnullu tunniullugu.

Siunnersuioqatigiinnik paasissutissat nutaat

NAMMCO-p Siunnersuioqatigiivisa (CN) ataatsimiittarnermini kingullerni aalajangersagai, puisinut, aavernut (MCS) arfernullu (MCC) tamakku pillugit ataatsimeeqatigiinneranni saqqummiunneqarput. Tamatuma kinguneraa CN-imiit piumasaqaat una:

R-1.6.6 (NUTAAQ, 2018): NAMMCO-mi Siunnersuioqatigiit Ilisimatuussutsikkut Ataatsiititaliaanut piumasaqarfigaat aqutsinermut siunnersuutissanut malittarisassat atorineqartut nalilersornissaanut (RMP, AWMP, Bayesisk assessment, Hitter Fitter il. il.) piumasaraa. Ataatsimiititaliap siunnersuutigissavaa malittarisassat sorliit piniagassanut piniagassanut sorlernut atussallugit naleqqunnerunersut, paasissutissallu ullumikkut atorineqartut NAMMCO-p periusissiaanut naleqquttuunersut. Ataatsimiititaliap aamma siunnersuutigissavaa paasissutissat nutaat takkussuuttut qanoq aqutsinermi atorineqartalerinissat.

Pegassutsinut missingersuutit

Aammattaaq oqaluuserineqarpoq paasissutissat NAMMCO-p nittartagaatigut qanoq isikkoqartillugit saqqummiunneqartarnissaat, pingaartumik pegassutsimut misissuinerni siornatigut ilisimariikkanit allaanerusut qanoq isikkoqartillugit nittarsaanneqartarnissaat. SC-mi isumaqatigiipput, pegassutsit ineriartornissanut missingersuutit qaqagukkut suliarineqarsinnaanersut suliarineqarsinnaannginnerisullu suliarineqarsinnaanersut ammaffigissallugu pingaaruteqartoq, aammattaaq paasissutissakinneq pillugu . SC-ip tamatuma qanoq iliorluni suliarineqarsinnaanera pillugu siunnersuutini arlalinnik saqqummiussivoq.

Pisanik nalunaarsuisarneq

Suleqatigiissitat (WG-nik taaneqartartut) piumaffigineqarput piniakkat sorliit aallaarsarisat annaasallu (kivisuukkat immersukkami S&L-imik nalunaaqutserneqartartut) qanoq iliornikkut pitsaanerpaamik nalunaarsorneqartarnissaat. Aarrit pillugit suleqatigiissitaliaq saaffiginissummut qisuariaqqaartuuvooq, SC-llu taakku naliliinerat isumaqatigigaat tassalu aavernik, qilalukkanillu qaqortanik qernertanillu aallaarsarisat kivoortakkallu paasissutissartaasa katersorneqartarnissaasa pingaaruteqatigiittut taaneqarpoq. Ajornaatsumik angalanissamut periarfissaqannginneq, inuillu akunnerani pissusiinut tunngassuteqartumik ajornartorsiuteqarneq pequtaallutik nakkutilliinissamut periarfissat taamaattut paasissutissanik katersiniartarneq ajornakusoortuummat SC-p isumaqatigiissutigaa, piffissaq ungasinnerusooq aallaavigalugu misissuisarnerat atussallugu ajunnginnerussasoq. SC-p aamma inneruussutigaa piniartut aallaarsarisaniq kivisuukkanillu unneqqarissumik nalunaaruteqartarnissaat kissaatiginartoq, tamannalu piniariaatsit pillugit ataatsimiititaliap peqatigalugu immikkut sammisariaqaraat.

Pisarineqartartut pillugit paasissutissat katersat nittartakkatigut atuaruminarsarlugit saqqummiunneqarnissaat suliarineqartoq allaffeqarfimmiit ilisimatitsissutigineqarpoq.

SC-mi suli annertunermik suleqatigiittariaqarneq

SC-p iluani ilisimatusarnikkut suleqatigiissutigineqartut tassa niisat sananeqaataat uumariaasiilu pillugit kiisalu arferit soqqallit nalunaaqutsikkat Atlantikup avannaanniittut qaammataasakkut malinnaaffigineqarneri eqqartorneqarput. SC-p isumaqatigiissutigaa Atlantikup avannaani arfernik angisuunik ”nalunaaqutsersuissut pitsassuaq” atorlugu (nalunaaqutseersut mikineq malussarinnerusunillu atortoqarluni) Atlantikup avannaani arfernik anginerik qaammataasakkut malittarinneq atorlugu pinngortitami siunnersuilluarnissamut siuarataassasoq. SC

isumaqatigiissutigaa suliniutip allaatigineqarnera nutartigaq tunniunneqassasoq, aningaasartuutissallu nassuiaaqissaarneqarlutik. Japani aamma ilisimatusarnikkut aningaasalersuisarnermullu tunngasunik suleqatigiinninnissamut soqutiginnillutik nalunaarput.

Aqutsinissamut siunnersuutit qanoq suliarineqartarnerat

CN-imiit saaffiginnissut R-1.6.6 tunngavigalugu SC *suligasuartussanik* pilersitsisoqassasoq innersuuteqarpoq, taakkua immikkut arferit anginerit mikinerillu, puisillu pillugit SC-mi suleriaatsit nassuiassavaat, aalajangiinerit ilai tunngavigisaat ilanngullugu. Ataatsimiitsitaliap suligasuartussap allaffeqarfik suleqatigalugu allakkiamik saqqummiussiumaarput.

NAMMCO'p ilisimatusarnikkut saqqummiuttagai

"Ilisimatuussutsikkut atuakkiortartut" nutaamik suleriaasissaannut malittarisassat akuerineqarput, matumani uummassusillit ajunnginnerpaamik pineqartarnissaannik periusissiat ilanngullugit. Saqqummeeriaaseq qanoq ingerlanneqarsimanersoq aamma saqqummiunneqarpoq SC-lu ilisimatinneqarluni saqqummiussaq 10 (imarmiunik pingaartumillu qilalukkanik ukiulersuisarneq/utoqqaassusiliissarneq) naammassineqarsimasoq, saqqummiussassa 11 (paasissutissat NASS II-mi misissoqqissaarneqartut) maannakkut suliarineqarpoq.

NAMMCO-mi piujuartitsiniarnernut killiffimmik nalilersuinerit malittarisassat najoqqutassallu

NAMMCO-p nittartagaani maannakkut takuneqarsinnaavoq imarmiut miluumasut assigiinngitsut pillugit piujuartitsiniarneq sumut killinnersoq, misissuinerit pitsaassusaat imaluunniit pisarisartakka annertussusaat tunngavigalugit. SC-p innersuutigaa takussutissiani qalipaatersuisarneq allatut ilusilersorneqartassasoq, kiisalu uumasogatigiit ilaannut paasissutissat sukumiinerusut sumiittarneri aallaavigalugit immikkoortiterneqassasut. SC-p aamma siunnersuutigaa IUCN-imi nunarsuaq tamakkerlugu killiffiit ilisimaneqartut katersorneqarnissaat – sanilliussinnissaq siunertaralugu.

SC-mi WG-imilu allakkiaat ituunneqarnissaat

SC-p ilisimavaa akueralugulu, paasissutissat allakkiaatoqqaniit nutaanngitsut kukkusumik issuarneqarsinnaaneri, taamaattumik NAMMCO-p paasissutissat tamakku isertuuttariaqarai innersuunneqarpoq. Isumaqatigiissutigineqarporlu suliat pillugit immikkuullaarissunik saaffiginnittoqartillugu, atuakkiortut saaffigineqartassasoq taassumallu qanoq pisoqassanersoq aalajangertassagaa.

AoB –inassuteqaatinut piumasat piffissaliuusisarneq pitsaanerusumillu sulineq

SC-p CN inassuteqaatinut piumasat ukiut qulit sinnerlugit pisoqaatigisut (aalajangersimaqqinnaartunik nutaanik ilaneqarsimanngikkaangata) atuukkunnaassasut. Kiisalu aamma misissoqquneqarpoq NAMMCO-p ataatsimiittarnermini piffissaliuttagai allangortinneqarsinnaanersut – taamaaliornikkut pitsannerusumik sukkanerusumillu sulisoqarsinnaalissammat.

Suliniaqatigiiffinnik/Kattuffinnik allanik suleqateqarneq (Nalunaarusiarsuarmi imm. 6)

SC-ip IWC, ASCOBANS, ICES, JCNB, Issittumi Siunnersuisoqatigiit aamma OSPAR akornanni qanoq suleqatigiittoqarnera saqqummiunneqarpoq.

Avatangiisit/Uumassusillillu ataqatigiinnerannut tunngasut (nalunaarusiarsuarmi imm. 7)

Imarmiut miluumasunik aalisarnermillu sunniivigeqatigiinneq

Ilisimatusarnikkut paasisat kingulliit suliaasanillu pilersaarusanik nutarterisimaneq saqqummiunneqarpoq. Paasissutissat Savallimmiuneersut, Island-imeersut, Kalaallit Nunaanneersut Norge-meersullu innersuusutillu BYCWG-mi 2017-imeersut aamma tunniunneqarput. SC-p saqqummiussaq nersualaarpat aalisarnermilu pisarisootakka eqqortumik paasissutissiisutigineqartarnissaassa qanoq pingaaruteqartiginera naqissuserlugu.

Pisarisuukkat pillugit ataatsimiittitaliaq (BYCWG) 2018

BYCWG 2017 majimi ataatsimiipput aammalu 2018-imi aprilimi oktobarimilu isummersoqatigiittoqarluni Kemberly Murray-ip siulittaasuunerani (NEFSC, NOAA, USA). SC-p suliaq iluarisimaarpaa innersuutigineqartullu akueralugit.

ISLAND: 2014-imiit 2017-imut *nipisannut qassutinik* imaani miluumasut pisarisuukkat missingerneris sisamanut immikkoortinneqarsimasut (immikkoortinneqarsimanngitsut, aqutsisoqarfiit aallaavigalugit immikkoortikkat, itissutsinut immikkoortikkat qaammatinullu immikkoortikkat) SC-mit akuerineqarput. Immikkoortukkuutaatut inississorlugit missingiinerit immikkoortukkuutaanngitsuniit piumaneqarnerusimapput, immikkoortukkuutaalli aalajangersimasut kissaatigineqanngillat. BYCWG qanoq pitsaanerusumik paasissutissanik tamakkuninnga katersuisoqartarnissaanik misissuisoqartarnissaanillu siunnersuivoq. Qassutinik *saarullinniutinik* pisarisootakka amerlassusaat aprilimi oktobarimilu aamma misissoqqissaarneqarput, matumanilu innersuussutit aallaavigalugit paasiniaaqissaartoqaqqippoq. WG-p Islandip eqqaani niisanik puisinillu saarullinnut qassutinik pisarisootakka pillugit missingiinerit akuerisimanngilai. Taamaakkaluartoq SC-p WG isumaqatigaa saarullinnut qassutinik niisaat pisarisootakka amerlassusiungallarsinnaasut paasissutissartai 2013-imiit 2017-imoortut niisat pillugit naapeqatigiinnissami atorneqarsinnaassasut.

SC-mi oqaluuserineqarpoq puisit sorliit pineqarnersut ajornartorsiutaammat, aammalu paasiniaasartunik nakkutilliisunillu paasissutissat katersuukkat annikippallaaneri uparuarneqarluni kiisalu puisit sigguttuut ilaasa amerlavallaarujussuartut eqqoriarneqarsimaneri tikkuarneqarluni. SC-p sakkortuumik piumasaraa puisit sorliit pineqartarnersut eqqornerusumik suliarineqartariaqartoq kiisalu sigguttuunik qassutinik pisarisootakkanik nalililiisimanerit nutaamik nalilersuiffigeqqittariaqartoq.

NORGE: Norge-p oktobarimi ataatsimiinnissamut misissueqqissaqqinnerit pillugit nassiussaani niisat pisarisootakka kisimik pineqarput. Paasissutissartaalu sinerissap qanittuani aalisartunik 15 meteriniit minnerusunik angallatineersuullutik. Niisat pisarisuukkat tikiunneqartartut kisiisa tunngavigalugit missingersuusiernerit ingerlanneqarsimapput, taakku

paasissutissatuaangamik. SC-ip isumaqatigiissutigaa, naak paasissutissat amerlanerusinnaagaluartut, taamaattoq *qassutinik saarullinniutini kanajorsuarniutinillu* pisarisoortakkat tungaatigut ajornartorsiuteqaraluartoq missingersuinnermut atorneqarsinnaasut. Ataatsimiinnerup tulliani missingiinerit pitsaanerusut saqqumiunneqarnissaat innersuussutigineqarpoq oqaatigineqarlunilu pisarisuukkatut nalilikkat annikippallaarnerannut aalisarfinni allat ilanngunneqannginnerat pissutaasoq.

SAVALIMMIUT: WG-p innersuussutissai suli atuutsilerneqanngillat kisianni aalisarnermi nakkutilliissut piumaffigineqarput avaleraasartooriarnermi saarullernarniarnermilu imarmiut miluumasut pisarisoorneqartartut siunissami nalilersuisarnermut ilanngunneqartalissasut.

Uumasogatiigiit arlallit/Avatangiisillu ataqatigiinnerat aallaavigalugu periutseq

SC-p suliniut-MareFare-mi inernerit tigusimavai. Pilersaarusiimi angusarineqarsimasunut siunissami sulinissamut naliliiniartarnernilu atussallugit qanoq pingaaruteqarlunnartiginera naqissuserlugu uumasogatiigiit arlallit avatangiisillunnillu ataqatigiinnerat aqutsinnermut sunniuteqarnerat paasineqarnissaat taallugu. SC-mi ilaasortat isumaqatigiipput suliniut-MareFare ingerlaqqinnissaanut tassa imaani miluumasut aqunneqarneranut tunngatillugu ineriartortitsinissamut aningaasaliissutinik ujarlertoqassasoq.

Avatangiisinut attuumassuteqartut allat

SC-p innersuussutigaa allaffeqarfiup avatangiisinik mingutsitsinerit uumasunut imarmiunut sunniutigisartagai NAMMCO-p sulinerminut iluaqutigisinnaasai kiisalu Canada-mi suliniut-May River ineriartornera malinnaavigineqassasoq.

Puiseqatigiit Aaveqatigiillu Killiffik Kiisalu Siunnersuisoqatigiinnut siunnersuutit (Nalunaarusiarsuarmi immikkoortoq8)

SC-p aataat, natsersuit, natsiit, sigguttuut, qasigissat ussuillu kiisalu sinerissap qanittuani puisit allat aarrillu paasissutissartai misissoqqissaarpai. Ilisimatusarnikkut ilisimalikkat nutaat nalunaarusiarsuarmi allaqqapput, ataanilu naalisarlugit tamakku ilaat takuneqarsinnaapput.

Aataat natsersuillu

ICES/NAFO/NAMMCO-p aataat natsersuillu pillugit suleqatigiissitaliaa (WGHARP) septembarip 2-niik 6-iat ilanngullugu 2019-imi Tromsømi Norgemi ataatsimiisapput. Uumasogatiigiit assigiinngitsut pillugit paasissutissat assigiinngitsut pigineqarput, suleqatigiissitaliaillu maannakkorpiat qanoq peqartiginera kiisalu uumasogatiigiiaat pineqartut qanoq piniarfigneqartiginnaanersut nalilerniassavaat. Naak sulinissamut najoqqutarisassat (ToR) suli naammassisi manngikkaluartoq, naatsorsuutigineqarpoq Atlantikup avannaata kitaani Kalaallit Nunaatalu imartaani aataat natsersuillu pillugit peqassutsimut missingersuusiomerit naliliisarnerrillu ingerlanneqarumaartut aamma Barent-ip imartaani Immamilu qaqortumi (Hvidehavet) aataat ilanngullugit.

Natsit

Natsiit pillugit suleqatigiissitaliaip (RSWG) 2021-imi pilersinneqarnissaa naatsorsuutigineqarpoq. Naak sulinissamut najoqqutarisassat (ToR) suli ersarissarneqanngikkaluartoq taamaattoq taakkuninnga ussui pillugit WG (BSWG) nalilersuinerisa kingorna pinissaa pilersaarutigineqarpoq.

SC-p maluguniarpaa saaffiginissutip R2.3.2 natserit pillugit nalilersuinissaq nalorninartoqartoq, tassami sikoqartarnerata allanngornerata kingunerisaanik nannut nerisassaat immallu pissusaata allanngoriartornera malillugu nalileeriarnissaq unammillernassammat. Pissutsini taakkunani siumut eqqoriarneqarsinnaanngitsunik allanngortoqartarnera pissutigalugu peqassutsit amerlassusaannut, kinguaassiornerannut, pisallu utoqqaassusaat agguarnerat kiisalu avatangiisimut tunngatillugu assersuutigalugu sikup qajannaatsuunissaanut, piaqqiornissamut aputeqarlunissaanut kiisalu nerisassarsiornissamut sikut iigartartut qajannaatsuunissaannut piumasaqaatini allannguutini missingiinnissaq, matumani piniartarnerup nungusaataannginneranut missingersuusiornissaq pillugu ilisimatusarnissamut isumalluutissanut annertunerusunik aningaasaliisoqarnissaa piumasaqaataassaaq.

Sigguttuut (gråsæl)

Sigguttuut pillugit paasissutissat nutaanerusut, 2016-imi innersuussutaasut malillugit sinerissap qanittuani puisit pillugit suleqatigiissitaliaimi Norgemiik, Islandimiik, Savalimmiuniillu aallaaveqartut saqqumiunneqarput (CSWG). SC-p saqqummiussat nersualaarpai Islandimilu puisit pineqartut amerleriarsimagunartut naqissuserlugu. Uumasut imarmiut illersorneqarnissaannut piumasaqaatit annertusiartornerisa kingunerisaanik ilisimatuussutsikkut suliat ajornarneruleralluttuinnartoq aamma maluginiarneqarpoq, soorlu nunat ilaasa misissuinnermi atasumik uumasut nakorsaaniq peqateqartarnissat piumasarisalersimagaat. Tulliani CSWG-imi ataatsimiinnissaq 2020-imi Kjell T. Nilssen siulittaasoralugu pissaaq. Sulinissamut najoqqutarisassat (ToR) kingusinnerusumi ataatsimiinnermi pineqarumaarput.

Qasigiaq

Qasigissat pillugit paasissutissat nutaat 2016-imi innersuussutigineqartut (CSMG) naammassiniarlugit Norgemiit, Islandimiit Kalaallit Nunaaniillu paasissutissat nutaat saqqumiunneqarput. Kalaallit Nunaani qasigissanik pisaqartoqartarneranik suli nalunaaruteqartoqartarnera SC-p isumakuluutigaa, naak qasigissat eqqissisimatitaagaluartut. Puisit nalunaarutigineqartartut sorlerpiaaneriniq kukkusumik nalunaarutigineqartarneri pissutigalugit kisitsisit kukkusuuneri Kalaallit Nunaanniit erseqqissaatigineqarput. Nalunaaruteqartarnerup eqqoqqissaartuunissaata pingaaruteqartorujussuunera kiisalu qasigissanik pisanik nalunaaruteqartarnerup tatiginarnerulertittariaqarnera SC-p naqissuserpaa.

Ussuk

SC-p nalunaarutigeqqippaa kikkut BSWG-mi siulittaasuuneri kikkullu ataatsimiigiaqqusaajumaarnersut kiisalu aamma

CAFF peqataatiltartariaqartoq.

Aarrit

Aarrit pillugit suleqatigiissitap (WWG) nalunaarusiaa saqqummiunneqarpoq. WWG-p aaveqatigiit pingasuusut akuerineqarpoq: Baffinip Kangerliumanersuani BB, Kalaallit Nunaata kitaani – Baffinip Kangerliumanersuata kangiata kujasinnerusuani (WGSBI) kiisalu Kalaallit Nunaata kangiani (EG). Nalunaarusiaq paasisutissanik makkuninnga imaqqarpoq: Aaveqatigiit qanoq ataqqatigiinneri piniagaanerilu, aaveqatigiiaat annertussusai/amerlassusai, misissorneqartarnerat kiisalu avatangiisit pillugit ajornartorsiutit taavalu inassuteqaatit. SC-p WWG-p innersuussutai tamaasa akuerai. Ukiumut pisarineqartartussatut ima siunnersuisoqarpoq: Aarrit Baffinip Kangerliumanersuani (BB) 84 taakkunannga 79-it Kalaallit Nunaanni pisarineqartussat, Aaveqatigiinni Baffinip Kangerliumanersuata kangiata kujasinnerusortaanersuni (WGSBI) amerlanerpaamik 86-it taakkunannga 74-it Kalaallit Nunaanni pisarineqarsinnaassallutik kiisalu Kalaallit Nunaata kangiani (EG) (Tunumi) 17-iniit amerlanerunngitsut.

Kalaallit Nunaata kitaata avannaani arferit piffinnut allanut nutaajusunut nunnittalersimaneri kiisalu aarrit nunamiittut piniarfigeqqusaannginnerisa sunniutigisinnaasaat SC-p oqaluuserai. Aarritmi nunamiitsillugit piniarfigeqqusaanngillat kisallu imaannarmiittut sikulluunniit qaaviniittut piniarfigeqqarsinnaallutik. Aarrit nunamiit imaanut ajornanngitsumik avalatsinneqarsinnaammata SC-p siunnersuutigaa nunnittarfiisa immikkut ittumik piniarfigeqqusaatinnagit illersorneqalernissaat.

Arferit assigineqarsut pillugit siunnersuisarneq kiisalu Siunnersuisoqatigiinnut siunnersuineq (Nalunaarusiarsuarmi imm. 9)

SC-p arfeqatigiiaat amerlassusaannik paasisat kingulliit malillugit missingersuusoqqippooq, arferillu makku eqqartorneqarput: Tikaagulliusaat, qipoqqaat, tikaagulliit, qilalukkat qaqortat, qilalukkat qernertat, tikaagulliusaarnat, anarnat, niisarnat, aarluarsuit, niisat, kigutilissuit, arfivik tunnulillu. Peqassutsinik annertussusiliinerit akuerineqartut naqqani takussutissiaq 1-imi takuneqarsinnaapput. Ilisimatuussutsikkut nalilersuinerit tamarmik nalunaarusiarsuarmi allaaserineqarput.

Uumasooqatigiinnik amerlassusiliisarnermut suleqatigiissitaq

Uumasunik imarmiunik amerlassusiliisarnermut suleqatigiissitap (AEWG) København-imi maajip 22-ianiit 24-ia ilanngullugu 2018-imi ataatsimiipput. Tamatumalu kingorna oktobarimi 2018 email-ikkut attavigeqatigiillutik inaagassat kingulliit inaarsarpaat, Islandimiut Savalimmiormiullu 2015-imi angallammik misissuineri inernerit nutaat akueralugit. Taaku AEWG aamma SC-mik akuerineqarput ataanilu takussutissiaq 1-imi takuneqarsinnaallutik.

SC-p AEWG annertuumik suliaqarsimaneranik nersualaarpa AEWG-llu innersuussutai akueralugit. Innersuussutaasa ilagaat, uumasooqatigiinnik amerlassusiliisarnermi misissuariaatsinik nutaanik atuillernissaq, paasisutissanik katersanik IWC peqatigalugu ataatsimoorussaqaalernissaq kiisalu NASS/NILS-data aallaavigalugu avatangiisit allanngoriartornerat peqassutsumut sunniuteqartarnerinik ph.d. -liamut tapersersuinissaq.

Takussutissiaq 1. Uumasut imarmiut amerlassusiinik naliliineq SC 25-imi akuerineqartoq.

Suussussat	Misissuineq	Ukioq	Allaaserinninneq	Qanoq ittuuneri	Missinger suineq	95 % CI LCL UCL	MISV. Korr. PR. TILG
Tunnulik	NASS	2015	Island/Savalimmiut	Angallat	3.000	1.377 6.534	Aap Naamik
Tikaagulliusaaq	NASS	2015	Island/Savalimmiut	Angallat	36.773	25.811 52.392	Aap Naamik
Tikaagullik	NASS+NILS2015	2015	CMA	Angallat	48.016	30.709 75.078	Aap Ilaannakort umik
Qipoqqaq	NASS	2015	Island/Savalimmiut	Angallat	9.867	4.854 20.058	Aap Naamik
Kigutilissuaq	NASS	2007	Island/Savalimmiut	Angallat	12.220	5.807 25.717	Aap Naamik
	NASS	2015	Island/Savalimmiut	Angallat	23.166	7.699 69.709	Aap Naamik
Niisarnaq	NASS	2015	Island/Savalimmiut	Angallat	344.148	162.79 727.527 5	Aap Naamik
Aarluarsuk	NASS	2015	Island/Savalimmiut	Angallat	131.022	35.251 486.981	Aap Naamik
Aarluarsuk angineq	NASS	2015	Island/Savalimmiut	Angallat	159.000	49.957 506.054	Aap Naamik

Qipoqqaq

Kalaallit Nunaata kitaani qiporartarisartakkat amerlassusaat pillugit siunnersuisoqatigiinnissaanik CN R-3.2.4.-mi kissaatigineqartoq annertuumik oqallisigineqarpoq. Sooq nalileeriaaseq atorsimasartik taanna toqqarsimanerlugu SC sukumiinnerusumik nassuiaateqarpoq. IWC-p periusissiaa SLA nungusaataanngitsumik Kalaallit Nunaanni arfersuarnik piniarnissaq pillugu siunnersuinerit, pisariaqartitanik nalunaarutinik atuinngikkaluarluni ilisimatusarnikkut tunngavissanik pitsaanerpaanik tunniussisarmat komité-p innersuussutigeqqippaa.

Siunissami Atlantikup avannaani qipoqqanik nalunaaqutsersuisalernikkut paasisutissanik ataatsimoorluni katersisalernissaq siunnersuutigineqarpoq. Allaffeqarfillu piumaffigineqarpoq Caribiami assigisaanik suliaqartut saaffigineqassat isumasioqatigiinnissamat soqutiginninersut paasinarlugu

Qilalugaq qaqortaq

Kalaallit Nunaata Kangiani (Tunumi) pisassiissutissanik nalileeqqittoqarnissaanik saaffiginnissut R-3.4.14

siunnersuinissamat paasissutissat naammannngimmata nalileeqqinnissamat tunngavissaqanngikkallartoq SC-p nalilerpaa, taamaalilluni SC-p saaffiginnissut R-3.4.14 akineqartutut isigaa.

Qilalukkanik qaqortanik qanoq peqassusiliinissaq tulliani NAMMCO-JCNB Joint WC -p ataatsimiinnissaani nalilersuisoqaqqissaq. SC isumaqatigiipput isumasioqatigiinnissaq 2019-mi martsimi pinani 2020-mut kinguartinneqassasoq.

Oilalugaq qernertaq

MCC-p saaffiginnissutaanut SC sukumiinerusumik tunngavilersorluni siunnersuutini, tassalu Kalaallit Nunaata Kangiani qilalukkat qernertat pillugit marluinnaanngitsunik pingasunilli aqutsisoqarfeqalernissaa innersuussutigeqqippaa. Kalaallit Nunaata Kangiani (Tunumi) qilalukkat qernertat ikileriarsimanerat SC-p naqissuseqqippaa, taamaalillunilu ullumikkut pisassiissutigineqartatut nungusaataanngitsumik piniarneqartutut taaneqarsinnaasorinagit. SC-p siusinnerusukkut innersuussutigisarsimasani tassalu pisassat ikilisariaqartut kiisalu allorniusap sanimukartup 68° kujataani piniarneqassanngitsut. Aamma isumaqatigiissutigineqarpoq ajornartorsiut piaartuusooq salliusaqavissooq tamanna, tassami Canadap issittortaata kangiani, Newfoundlandimi Labradorimi Kalaallillu Nunaata Kangiani Kitaanilu paasissutissanik tamakkuninnga ilisimatusartoqarnissaa amigaateqartoqartoq.

Aarluit

Isumaqatigiissutigineqartoq malillugu Jourdain-ip ilaalu Atlantikup avannaani aarluit pillugit ilisimatusarnikkut paasisanik katersuisoqarnissaa innersuussutigalugu amerlassusaasa, uumasooqatigiillu ataatsimoortukkaat qanoq amerlatigisarninerinik qanorlu ingerlaartarnerinik misissuisoqartarsimanera saqqummiunneqarpoq. Tamatumali takutippaa pisariaqavissooq tamanna, tassami Canadap issittortaata kangiani, Newfoundlandimi Labradorimi Kalaallillu Nunaata Kangiani Kitaanilu paasissutissanik tamakkuninnga ilisimatusartoqarnissaa amigaateqartoqartoq.

SC-mi isumaqatigiissutigineqarpoq ullumikkut paasissutissat maannamat pigineqartut naapertorlugit Kalaallit Nunaani aarluit pisarineqartatut puijuartitsinerimik aallaaveqarnersooq naliliinissamat naammannngitsut, siunnersuutigalugulu paasissutissat uppersassusaat nalilersorneqartariaqartoq kiisalu pisat nalunaarsorneqartarneri sukumiinerusunngortinneqartariaqartut, soorlu pisaqarsimanermi pinngitsoorani nalunaaruteqartarnissamik piumasaqaateqalernermik. Tunngavissaqarluartumik naliliinissamat ukiorpaaluit ingerlasinnaammata SC-p innersuussutigaa, Kalaallit Nunaanni aarlunnik piniarneq killilerneqassasoq pisassiissuteqarlunilu.

Aarluit pillugit ilisimatusarnikkut saqqummiunneqartatut kingulliit ersersippaat uumasooq taana PCB-mik eqqugaasooq, pingaartumik piffinni aalajangersimasuni, ajornartorsiutip qanoq annertutigina SC-mi isumaqatigiissutigineqanngilaq. Taamaattumik SC siunnersuuteqarpoq, ilisimatuussutsikkut misissuinerit ingerlaqqissasut misissugassanillu tiguisarnerit pitsanngorsarneqartariaqartut.

Niisat

SC ilisimatinneqarpoq Institute of Marine Research aammalu NAMMCO-p suleqatigiissitai Atlantikup avannaani niisat pillugit nunat assigiinngitsut akornanni nalilersuisoqartoq tamatumalu naammassinissaa qilanaaralugu. Niisat pillugit suleqatigiissitaliaq 2019-imi upernaakkut naapinnissat naatsorsuutigineqarpoq, ToR-it piffissaq, sumiiffissaq kikkullu peqataanissat ilusilersorneqarpoq.

MISISSUINERIT (*Nalunaarusiarsuarmi imm. 10*)

NAMMCO-p IWC-llu peqatigiilluni uumasooqatigiinnik amerlassusiliinarneq suleqatigiissitaliaanni aallartippoq. Alloriartertut siullertut pilersaarutigineqarpoq WG-ni assigiinngitsuni siulittaasut tamarmik ataatsimiittarnerinut qaaqquneqartarnissat.

Takussutissiaq 2007-imi 2015/16-imilu misissuisarsimanernik imaqartoq saqqummiunneqarpoq, suliallu naammassineqarnissaanut pilersaarusiortoqassasoq innersuussutigineqarluni.

Nalilersueqatigiinneq St. Andrews University (imavissuarni pinngortitap allanngoriartornerit arferit amerlassusaanut agguarsimanerinullu nikisitsinnaasut) kiisalu Duke University (Atlantikup avannaani arfeqatigiiaat assigiinngitsut qanoq ukiup ingerlanerani qanoq agguataartarnerinik misissuinerit) saqqummiunneqarput, paasisallu qanoq pitsannerpaamik atorineqarnissat pillugu oqallittoqarluni.

AEWG-p tulliani NASS-imik misissuinissamat innersuussutai saqqummiunneqarput, SC-llu isumaqatigiissutigaat taamatut misissuisarnerit ingerlaannassappata nalileeqqinnissamat ukioq 2023 ajunnginnerpaassasoq, naak tamanna 2026-imut utaqqitinneqarsinnaassagaluartoq.

Suliaqaqqinnissamat CN-imiik piumasaqaateqaqqittoqarnissaa kissaatiginartinneqarpoq soorlu uumasooqatigiit sorliit immikkut isiginiarneqassanersut, piffissaq, aningaasartuutissat il.il. pilersaarusiornissat kinguartinneqarallarluni.

SIUNISSAMI SULIASSANUT PILERSAARUSIAT, , ANINGAASARTUUTISSAT ALALLU. (NALUNAARUSIARSUARMI IMMikkoortut 12 - 14)

SC-mi 2019-imi ataatsimiinnissaq Savalimmiuni pissaaq, taakkulu ataatsimiinnissap qaqugu pinissaa sumiinnissaa piaartumik aalajangiussavaat. Ukiunut aggersunut suliassanut pilersaarut aqqissorneqarluni SC-mit akuerineqarpoq. Tamanna tulluuttuni takussutissianngorlugu saqqummiunneqassaaq.

2018 (NAAMMASSISAQ)	2019	2020	2021
Suleqatigiissitat:	Suleqatigiissitat:	Suleqatigiissitat:	Suleqatigiissitat:
- Peqassutsimut missingersuineq	- Niisat pillugit suleqatigiit	- Pisisoorlakkat	- Ussuit

- Pissarisoorneqartartut (ataatsimiinnerit marluk) - Aarrit Isumasioqatigiinnerit: - Ataatsimoortumik IMR/NAMMCO-llu niisat pillugit isumasioqatigiinneq Allat: - Atlantikup avannaani aarluit misissorneri - TNASS- NASS-llu imarmiut pillugit paasissutissat katersaasa sinneri nalilersoqqillugit nutaamik peqassusiliinissamik periarfissaqarpoq.	(upernaakkut) - Japan-suleqatigiinneq (upernaakkut) - ICES/NAFO/NAMMCO-lu aataat natsersuillu pillugit (ukiakkut) - Kalaallit Nunaata kangiani qilalukkat qernertat (ukiakkut) - Peqassutsimik missingersuineq (ukiakkut) - Kalaallit Nunaata Kangiani qilalukkat qernertat (ukiakkut) Allat: - TNASS- NASS-llu imarmiut aalajangersimasut pillugit paasissutissat katersorneqarsimasut nalilersoqqillugit uumasioqatigiiaat amerlassusaannit missingersuusiornissamut periarfissaqarpoq - Nunani NAMMCO-mi ilaasortaasut imartaanni imarmiut qanoq mingutsitsinermik eqqugaasimanerinek paasiniaaneq	- Sinerissap qanittuani puisit - Niisamat [- Niisat?] - NAMMCO/JCNB qilalukkat qaqqortat qernertallu pillugit Isumasioqatigiinnerit: - Silaannaap allanngoriartomerata aqutsisoqarfinnut siunnersuisamermit qanoq sunniuteqamera pillugu isumasioqatigiinneq - Atlantikup avannaani qipoqqanik nalunaaqqutgersuineq pillugu isumasioqatigiinneq	- Natsiit
---	--	--	-----------

SC-p 2019-imut 2020-mullu aningaasanut missingersuusianut siunnersuutaa qulaani takutitaq akueraa. Bjarni Mikkelsen (FO) SC-mi nutaatut siulittaasussatut toqqarneqarpoq. Fernando Ugarte (GL) siulittaasup tulliatut toqqarneqarpoq.

ATAATSIAMIINNERUP NAAMMASSINEQARNERA (NALUNAARUSIARSUARMIMM. 15)

Nalunaarusiaagallartoq ataatsimiinnermi akuerineqarallarpog, taannalu kukkunersiorneqareermat 29. november 2018-imi akuerineqarpoq.